

Afirk têmsa sardo, sên keed rao la pag la nimbuiida yel-segdà yell sebre

Sên lebga a sebra ne moore : A Adama Zak SIBALO

B sardâne taabala woto :

Pipi : Ned fâa yel-segdà la atùùm pakre

Sak a 1 soaba : Raoa la paga la nimbuiida yel-segdà

Gom-rulg a 1 soaba

Têmsâ sên be Afirk lagem taar sulla pûga, la b naag n be sard kânga pûga sakame n bâng ninsaal yel-segdà, a tùùm pakre, la a soogem-n menga sên gûls sard kânga pûgê wâ vôore, la bsakame na n maan sari no-râkdse, bâyèl a taaba n ning sardâa na-kêndre.

Gom-rulg a 2 soaba

Ned fâa tara noore, t'a paam a yel-segdà la a soogem-n menga sên gûlse, tà paam kogleg sardâ sebr wâ n da maan welgrene ned ba a ye : buudu, neda kôbgo, paga bà raoa, sên gomda buud a to goamâ, bà a soaba sên tûud dîn ninga.

Gom-rulg a 3 soaba

1. Neba fâa ya a yembre sari wâ taoore
2. Neba fâa tara kogleg a yembr sari wâ taoore

Gom-rulg a 4 soaba

Ninsaal beegr gàdgâme. Ned fâa tara noor tà b waoog-a vààmâ, a burkîndi la a yam vààm. Ned fâa pa segd n kong a yel-segdà tà ka tû sor ye.

Gom-rulg a 5 soaba

Ned fâa yaa ninsaala n tarnoore, tà b maanawaoogre, la b bâng tà sari n be a poorê. Ninsaal wêdb la paoogr buud fâa wa yembdo, tùùm-wêens maanego, a yînga bà a yam vààm namsgo, keelem la pûtoog sàbgr la a yaalg gàdgâme.

Gom-rulg a 6 soaba

Ned fâa tara noor n paam sooga a menga, la paam n vààmd ne laafâ. Ned ba a ye pa segd n kong a soogem-n menga ye, sân ka mikame tà yella tara vôore, walla sari sên da reng n maan n gânege. Sên yààda fâa, b ka tôe n yôk ned n zînigi, walla b paga roog tà ka tû sor ye.

Gom-rulg a 7 soaba

1. Ned fâa tara noor t'a sân wa tar yelle, bi b tôog n kelga a soaba. Rê la woto:

- a) Ned fâa tara noor n kêng sari bù-kaoodb taoore n tà togse, keelem la wêdb tùùmâ b sên maana a vààmâ yel-segdà pùs tà sari la têngâ na-kêndes la rogem-n-mika mi tîiri, la b maand kogleg rê wèèngê.
 - b) Ned fâa tara noor tà b sâmba yell pùga, hal tà bùùd zîigê dâmba wa vaeens n bânga sân sàd maana beegre.
 - c) Ned fâa tara noor n gome n kogleg a menga yell pùgê, walla a soab bao a Yam ned tà sông-a
 - d) Ned fâa tara noor tà b kao a bùùd sari zîig tà pa zâag daar wùsg ne bùkaoodb mitb sên so b mense.
2. Ned ba ye pa tog n paam balgrsaribùudo wèèngê, t'a maana yelle, bà a maana beegre, hal n kées a soab bâens roogo, t'a beegrâ wakate, sari noor da ka be sên wilgd tà b segd n sàbga a soaba ye. B pa tôle sàbg a soaba, tà sari wâ pa yeel a yellâ maaneg wakat tà b segd n maan-a-la sàbgr ye. Ya ned ninga sên maan beegrâ soab bal la b sàbgda.

Gom rulga 8 soaba :

Ned fâa tara noor npaam Yam pùgê n soog a menga, a nugtùùm la dîn tûudum wèèngê, sari zoe n dàka na-kênda kâense, nimbuïida yînga. Ned ba ye pa tôle n yà sabaab n maan gâtgr tà ned pa tôle n soog a menga ye.

Gom rulga 9 soaba

1. Ned kam fâa tara noor n paamddûnia kâbaya n kelge
2. Ned kam fâa tara noor t'a tik têngâ sari wâ noy n togs la a maan tà neba bâng a Yam tagsgo, la Yam ninsâ a sên tare.

Gom rulga 10 soaba

1. Ned kam fâa tara noor n soog a menga, a sâ n tika sari wâ noor nviglig sulli (asosiyasô) ne a taaba.
2. B ka tôle n modg ned ne pânga n kées-a sull pùga, sân pa tà ya tâlae wa gom rulg 29 soab sên yeel sên kêed ne teel taaba wèèngê.

Gom-rulga 11 soaba

Ned fâa tara noor n naag a taaba n maan tikri. Rê tûuda ne sari sên pa maan gâtgre, sân mikame t'a maaneg kêeda netêngâ na gâand bâane, ned a to koglgo, laafâ yelle, ned yel-segdà bà a soog n menga gûudumyînga.

Gom-rulga 12 soaba

1. Ned fâa tara noor t'a gô n tees zîig ningaa sên datê, n yâk a zî-zîndga têng a yembr pùga, sâ n mik t'a tûu têngâ râmba sên maansari wâ rê wèèngê.
2. Ned fâa tara noor ntoeem têngâ, ba a menga têngâ, la a le lèba a têngâ. Ned pa tôle n gâtgr ned a to yell kângâ wèèngê ye, sâ n pa mik têngâ sari wâ noyn maan gâtgre, têngâ kogleg yînga, bà têngâ na-kendre yînga, laafâ yelle, bà nimbuïida yînga..

3. Ned fâa tara noor tà b sâ n nams-a a tênga wâ, bà a bao têng sên na n deeg-a sâando, watêng fâa sari noy sên gânege, la wa têmsa ne taab sula râmba zems-n taar nug-tikri.
4. Ned ninga sên tik sard kânga tà têng a ye sên be sardâ nug tikri pùg sak n deeg-a sâando, b pa tôe n dig a soaba, n yiis têng kânga pûga, sâ n pa mik tà b tika sardâ sên gânegâ n dàk noore.
5. N tigim sâamba n dig n yiis têng pûga gàdgâme. Yel-kânga yaa b sên na n naag n dig neba tà b yii tênga a yembr pûgê yînga, b yaa buud a yembr yînga, bà dîna a ye.

Gom-rulg a 13 soaba

1. Gàdgr sên ka be, tênga neba fâa tara noor n kées b toog ne yamleoogo n tùm b tênga nimbuïida tùùm noy zîisi sên tû ne ned a to sôngr sabaabo, bi a menga a ye sabaabo, rê, sên tû ne sari wâ sên gânege.
2. Tênga neba fâa gill tara noor tà zems taaba, n paam n tùm b tênga kâdemsa tùùm zîisê
3. Ned fâa tara noor n paam n tùm ne tênga nimbuïida tùùm noy n paam nafre, sên na n tû ne sari wâ.

Gom-rulg 14 soaba.

Tênga sari wâ wilgame tà ned fâa tara noor n paam a meng zîig n sooge. La b ka tôe n deeg a soab zîigâ, tà pa tû ne tênga taoor dâmb bà lagen-taar sull sên tar zîiga raab n na n maan bôn-kaseng sên tar yôod wûsg ne nimbuïidâ fâazângâ, tà tû soy wa tênga sari sên wilgi.

Gom-rulg a 15 soaba

Ned fâa tara noor n maan tùùm sôngo, la be yamleoog ne a soaba, la a soab paam yaoood sên zems ne tùùmd sên zemse.

Gom-rulg a 16 soaba

1. Ned fâa tara noor n paam n tar laafâ sên sômbe, la a tar tags sôngo n tôog n ta zîig ninga a sên datê
2. Têmsa ninsa sên maan Sarda fâa maanda yam yâkre, n râk noy sên na n yâl n maan koglg nimbuïida laafâ la b maan logtor yir tàbsg sôngr tùùm nimbuïida sên be bâas pûg wakate.

Gom-rulg a 17 soaba

1. Ned fâa tara noor n paam wubri.
2. Ned fâa tôe maana kûdemda tùùm ne neb a taaba
3. Neba na bâng la b kogleg yam và-sôngo la sên sômb rogem mika wèèngê nimbuïida sên mi wâ lebga bûmb tênga taoordâmb sên segd n maana b tùùm pakre, n tôog n koglg neba yel-segdâ wâ.

Gom-rulg a 18 soaba

1. Tênga taoor râmb segdame n kogleg zaksa râmba tà b và ne laafâ, la yam vààm wèèngê, la ne saglese, bala zak fâa yaa ninsaal vààmâ yêgre.

2. Zak fâa sôngr ya tênga taoor dâmba tùùm pakre, bala roagdba tùùmda pûga, b maanda kogleg sên kêed ne ninbuiida yam và-sôngo la sên sômb rogem n mika wèèngê neba sên mi tîiri.
3. Têngâ taoor dâmba segdame n ges n menes pagba zêngre fâa n maan kogleg tùùmd pag fâa la biig fâa yel-segdà yînga wa sên gûls têns ka tèk zems n taar sull sebr pûga.
4. Nin-kêemsa la pûgyâansa bà koms râmba tara noor n paam tà b râk noor toor zall n maan koglg sên kêed ne b yînga bôndaab, la b yam vààm.

Gom-rulg a 19 soaba

Ninbuiida fâa zema taaba, b segd n paama waoogr la yel-segdà a yembre, buud a ye ka tog n weoog a to ye.

Gom-rulg a 20 soaba

1. Buud fâa tara noor n paam n vààmd ne yôor dûniâ zugu. Nimbuiid fâa tara noor sên pa tôle kiisi, n maan a toor yam yâkr a vààmâ pûgê, n maan a yampolitik sari têñ-kugri, la a tùm n yidg a tênga arzèka la nimbuidda fâa.
2. Têms ninsa b sên maan weoogr n sooge, walla têms ninsa sên be yembd pûga tara noore, n tik têns-ka tèk sull ninga sên zabd ne yel kânga wâ, n têb n fâag b mense, yembda pûga.
3. Nimbuiida fâa tara noor n paam sôngr la teblogo, sên yit têmsa taoor dâmba sên maan sardâ, n zab n fâag b mens ne sâamba sên wa deeg tênsân weoog n sooge, politik pûgê, tênga paoong la kùdemda wèèngê.

Gom-rulg a 21 soaba

1. Nimbuiida tara noor n paamn zâ bâmba paoonga, la têngâonga arzèka n tùm ne wa b sên date. La b maan bô-kânga tà ta neba fâa raabo, la neba paam n dà a yôodo. Sên ya bûmb ninga fâa, nimbuidda pa segd m kong bûmb ye.
2. B sâ n fâaga b paoonga la tênga arzèka, nin-bâmba tara noor b lebs-b paoonga walla b yao-ba.
3. Têng fâa soa a paoongo la a têngâonga arzèka n tôle maan zems n taar n tùm ne têmsa a taaba, waoogr la zems n taar leebg n da wêg taab ye, sên tik ne têns ka tèk sull teeda koosg na-kêndre wèèngê.
4. Têms ninsa sên be sarda pûga kées b toogo, têng fâa la têmsa ne taaba sùka, n soog b mensâ n tùm ne b tênga paoong la têngâonga arzèka, sên nan yàl n paas afirk têmsa lagem- n taab n la b teel taab pânga.
5. Têms ninsa sén naag sarda maaneg pûga yâka yam n kées b toogo, n menes nin-sâams ninsa sên wat n zuud tênga arzèka, bûmb ninga zâmaan zêms râmba sên wat afirk têms wùsg pûsê n deegd zîis walla tùùm noy n yâmbe, n maand leebg walla bûmb a to wa b sên date. Sên na yàl n kât tà têng fâa nimbuidda, tôog n paam paoongninga sên yit têngâonga pûga yôod n dà.

Gom-rulg a 22 soaba

1. Ninbuiida fâa tara noor tà b paoonga n paam yidgri, nimbuidda la kùdemda yidgri, b soog menga waoogr pùga la burkîndilim, la b paam ândûnia fâa arzèka pùàare tà zems taaba.
2. Têmsa tùùm pakre ya, tùùm ne taaba walla têng fâa tùùm n tôog n maan tà têmsa fâa paam yidgri.

Gom-rulg 23 soaba

1. Ninbuiida segdame n paam n laafâ n vààmd ne bâane, têmsa pùse, la têmsa ne taab sùka wa zems n taar ne sông taaba na-kêndr sarda, nasô ini sull sén maane, tà afirk têmsa sull sak n kê.
2. Sén na n yàl n teel taaba la maan zems n taar ne taaba zood pùg wâ paasg yînga, têmsa ne taab sén be sarda pùga yâkda yam n maan gâdegr tùùmde :
 - a) Ned sén zoe a tênga yell yînga n paam tênga a to solg n na n vààmd wa sard kânga gom-rulg 12 soaba sén wilga, a soab sán na n maana sâang tùùmde ; n sâam a sén yi têng ninga bà tênga a to, bà têms ninsa sén maan sardâ nug tikrâ pùga.
 - b) Ned reeg zîiga n yâmbe,tênga soolem tèk pùga, n maan wa sâang tùùm zâmsgo bà teroriisim n tà zab ne nimbuidda walla têng a to sén be sardâ pùga.

Gom-rulg a 24 soaba

Ninbuiida segdame n paam n vààmd zîig ninga sén noom-b zânga, sén sakd ne b vààma yidgri

Gom-rulg a 25 soaba

Têmsa sén maan sarda, tùùm pakre, yaa, tà b tôog ne wubri, zâmsgo, la kâbaya kûuni, tà neba bâng la b tû, la b waoog ninsaal yel-segdâ wâ, la soog n mens ninsâ sén be sardâ pùga, la b râk na-kêndr n pùg n ges tà neba wùm soog n menga la ned yel-segdem vôore, la ned fâa bâng a tùùm pakre.

Gom-rulg a 26 soaba

Têms ninsa sén be sarda pùga tùùm pakre, a sén segd n maan a zaka râmb yînga, nimbuiddâ yînga, tênga taoor dâmba yînga, la sula taab tênga taoor dâmb sén mi tîiri, la têns ka tèk sulla a taaba yînga.

SAK A 11 SOABA : Tùùm pakre

Gom-rulg a 27 soaba

1. Ned kam fâa tara a tùùm pakre, a sén segd n maan a zaka râmb yînga, nimbuiddâ yînga, tênga taoor dâmba yînga, la sula taab tênga taoor dâmb sén mi tîiri, la têns ka tèk sulla a taaba yînga.

- Ned fâa tara noor n maan a soogem-n menga tùùm a taaba yel-segdà waoogr pùga, neba fâa na vààmd laafâ ne taaba pùga, yam-và-sông pùga, la atall yôod ne neba fâa.

Gom-rulg a 28 soaba

Ned fâa yel-pakr ya a waoog neba taaba, la a gelg a taab n da welg ned ne a to ye, la a maan lagem taar zoodo, sên na n kât nimbuïida bâng, tà bas yard la waoog taab paam pânga daar la wakat fâa.

Gom-rulg a 29 soaba

Ned kam fâa tùùm pakre :

- Kât zaka neba paam yidgri n zems taaba zânga, la tùm, n kât wùm taab la waoog taab zînd zaka pùga, roagdba paam waoogr wakat fâa, tà rààb sek-ba, la b paam sôngre, sân wa mik tà bûmb paoogame.
- N tùm n kô a tênga nimbuïida ne a pânga, ne a yam, la a bângre.
- N da maan n wa ne râmbg manesem, n kô a sên be têng la ninga, bà a menga têng ye.
- N koglege, la a paas tênga soog n menga pânga, la tênga soolem gilli, la a tùm n koglg la a fâag a tênga wasari wâ sên lugli na-kêndr ningâ wâ.
- N tùm wa a pânga sên tôe, ne a bângre, n sông tênga, la a kô a nug bûmb wa tênga sari wâ sên gânege, tà tênga taoor râmba tôog n tall n zâ tênga nimbuïidu.
- N ges n maan zems n taar ne nimbuïidâ, n kogleg la a paas bûmb ninsâ sên sômb ne afirk kùdemda yell wèèngê pânga, ne bas-taale, ne sôasg ne taaba, ne wùm taaba, sên yààda fâa, n tùm tà nimbuïida bâng n tôog n vààmd laafâ yam vààm pùga.
- N tùm wakat la zîig fâa ne minim la bângre, afirk kamb na bâng la b tôog n lebg bûmb a yembre.